



**ՆԱՅԱՍԱԿԱՆ ԿԱՆՐԱԳԵՏՈՒԹՅԱՆ ՍԱՆՄԱՆԱԴՐԱԿԱՆ ԴԱՏԱՐԱՆԻ ԹԻՎ 2 ԴԱՏԱԿԱՆ ԿԱԶՄԻ  
Ո Ր Ո Շ Ո Ւ Մ Ը**

---

**ԱՆՎԱՏԱԿԱՆ ԴԻՄՈՒՄԻ ԸՆԴՈՒՆԵԼԻՈՒԹՅԱՆ ՆԱԲՅԻ ՎԵՐԱԲԵՐՅԱԼ**

Քաղ. Երևան

11 հունվարի 2013թ.

Նայասարանի Նանրապետության սահմանադրական դատարանի  
թիվ 2 դատական կազմը՝

Նախագահությամբ՝ Վ. Պողոսյանի  
Անդամակցությամբ՝ Կ. Բալայանի  
Ֆ. Թոխյանի

Ուսումնասիրելով քաղաքացի Լիլիթ Մուսեյանի անհատական դիմումով գործը  
քննության ընդունելու մասին հարցը,

**Պ Ա Ր Զ Ե Յ.**

Նամաձայն ՆՏ Սահմանադրության 101-րդ հոդվածի 1-ին մասի 6-րդ կետի՝ քաղաքացի Լիլիթ Մուսեյանը 21.12.2012թ. դիմել է ՆՏ սահմանադրական դատարան՝ խնդրելով «ՆՏ 2000 թվականի օգոստոսի 9-ի «Մաքսային» ՆՕ-83 օրենսգրքի 91-րդ հոդվածի 1-ին եւ 2-րդ մասերն այնքանով, որքանով նախատեսում է ֆիզիկական անձի կողմից մաքսային սահմանն անձնական օգտագործման նպատակով փեղափոխվող ապրանքի գինը որոշելիս օգտագործել այդ ապրանքի Նայասարանի ներքին շուկայում իրացման գինը» ճանաչել հակասող եւ անվավեր ՆՏ Սահմանադրության 1-ին, 8 եւ 31-րդ հոդվածներին:

Անհատական դիմումի նախնական ուսումնասիրության արդյունքներից պարզվեց, որ դիմումի քննության ընդունումը ենթակա է մերժման՝ հետևյալ պատճառաբանությամբ.

1. Դատական կազմը, ելնելով դիմումի եւ կից փաստաթղթերի ուսումնասիրությունից, գտնում է, որ վիճարկվող դրույթները կիրառված չեն դիմողի նկատմամբ:

Նամաձայն ՆՏ Սահմանադրության 101-րդ հոդվածի 6-րդ կետի՝ սահմանադրական դատարան կարող է դիմել յուրաքանչյուր ոք՝ կոնկրետ գործով, երբ առկա է դատարանի վերջնական ակտը, սպառվել են դատական պաշտպանության բոլոր միջոցները եւ վիճարկում է այդ ակտով իր նկատմամբ կիրառված օրենքի դրույթի սահմանադրականությունը:

Սահմանադրական այս նորմն իր կոնկրետացումն է ստացել «Սահմանադրական դատարանի մասին» ՆՏ օրենքի 69-րդ հոդվածի 1-ին մասում, որով սահմանվել են ֆիզիկական եւ իրավաբանական անձանց դիմումների ընդունելիության պայմանները, ըստ որի՝ դիմում կարող է ներկայացնել այն ֆիզիկական կամ իրավաբանական անձը.

- որը հանդիսացել է ընդհանուր իրավասության կամ մասնագիտացված դատարաններում դատավարության մասնակից,
- որի նկատմամբ ընդհանուր իրավասության կամ մասնագիտացված դատարանի կողմից կիրառվել է վիճարկվող օրենքի դրույթը,
- որի նկատմամբ վիճարկվող օրենքի դրույթը կիրառվել է գործը լուծող վերջնական դատական ակտով,
- որը սպառել է դատական պաշտպանության բոլոր միջոցները:

ՆՏ սահմանադրական դատարանն իր՝ 2009թ. մարտի 17-ի ՍԴԱՌ-21 որոշմամբ իրավական դիրքորոշում է արտահայտել առ այն, որ «Սահմանադրական դատարանի մասին» ՆՏ օրենքի 69-րդ հոդվածի 1-ին մասում նշված որեւէ պայմանի բացակայության դեպքում անհատական դիմում ներկայացրած ֆիզիկական կամ իրավաբանական անձը սահմանադրական դատարան դիմելու համար իրավասու սուբյեկտ չի հանդիսանում:

Ելնելով վերոգրյալից եւ ղեկավարվելով «Սահմանադրական դատարանի մասին» ՆՏ օրենքի 32 եւ 69-րդ հոդվածների պահանջներով՝ ՆՏ սահմանադրական դատարանի թիվ 2 դատական կազմը

**Ո Ր Ո Շ Ե Ց .**

Քաղաքացի Լիլիթ Մուսեյանի անհատական դիմումով գործի քննության ընդունումը մերժել:

**Նախագահող**

**Անդամներ**



**11 հունվարի 2013 թվականի  
ՍԴԴԿՈ/2-1**